

Na osnovu člana 18. tačka b) i člana 30. stav 2. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 46. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 165. Zakona o zaštiti od požara i vatrogastvu ("Službene novine Federacije BiH", broj 64/09), Skupština Kantona Sarajevo, na sjednici održanoj 3. juna 2010. godine, donijela je

## **ZAKON**

### **O IZMJENAMA I DOPUNAMA ZAKONA O ORGANIZACIJI I DJELOKRUGU ORGANA UPRAVE I UPRAVNIH ORGANIZACIJA KANTONA SARAJEVO**

#### Član 1.

(Dopuna djelokruga Ministarstva unutrašnjih poslova)

U članu 11. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", br. 7/08 i 16/08-Ispravka) na kraju teksta briše se tačka i dodaju riječi: " i poslove inspekcijeskog nadzora nad sprovođenjem mjera zaštite od požara, u skladu sa zakonom."

#### Član 2.

(Izmjena djelokruga Kantonalne uprave za inspekcijske poslove)

U članu 20. stav (2) tačka m) briše se, a dosadašnje tač. n) i o) postaju tač. m) i n).

#### Član 3.

(Dopuna djelokruga Kantonalne uprave civilne zaštite)

U članu 21. iza riječi "spašavanja" dodaje se zarez i riječi: "zaštite od požara i vatrogastvo", a na kraju teksta tačka se zamjenjuje zarezom i dodaju riječi: " inspekcije za zaštitu od požara i inspekcije za vatrogastvo, u skladu sa zakonom."

#### Član 4.

(Usklađivanje pravilnika o unutrašnjoj organizaciji)

Najkasnije u roku utvrđenom u Zakonu o zaštiti od požara i vatrogastvu, ministar unutrašnjih poslova, direktor Kantonalne uprave za inspekcijske poslove i direktor Kantonalne uprave civilne zaštite dužni su uskladiti pravilnike o unutrašnjoj organizaciji organa kojim rukovode sa djelokrugom utvrđenim ovim zakonom i Zakonom o zaštiti od požara i vatrogastvu.

#### Član 5.

(Preuzimanje poslova)

U roku iz člana 4. ovog zakona, Ministarstvo unutrašnjih poslova i Kantonalna uprava civilne zaštite, dužni su preuzeti inspektore zaštite od požara, arhivu, dokumentaciju i sredstva rada inspekcije za zaštitu od požara, svako u okviru svoje nadležnosti.

#### Član 6.

(Stupanje na snagu Zakona)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

---

Broj 01-02-16029/10  
3. juna 2010. godine  
Sarajevo